

Viro Reverendissimo  
Dn. D. ÆGIDIO HVNNIO,  
Theologo nunc celeber-  
rimo,

Fautor i suo maximo;

Et Filiis ejusdem lectissimis  
De ulteriore in Inclytâ Aca-  
demia VVitebergensi  
mansione

Gratulatur

M. MARTINVS HILVVIGIVS,  
Boleslaviensis, Silesius.



VVITEBERGÆ,  
Expressum typis Meisnerianis,  
Anno M. D C I.

iogr. erud.  
1594, II

Viro Clarissimo et Eloquentissimo, Dno M. Friderico Taub-  
manno, Poete in Sacri primario, et 2 tempore Decano Fa-  
cultatis Philosophicae in Academia Witbergensi Secretarii Fac-



I.

Ad Virum Reverendissimum  
Æ GIDIUM HUNNIUM, S. S. THEO-  
logiæ D. Clarissimum, VVitebergensium Ecclesiarum  
Superintendentem & Academiæ Professorem meritissimum,  
Præceptorem atq; Fautorem suum perpetuò  
observandum.

**V**ota polos penetrant, flectunt quoq; numina  
vota:  
Crede mihi, penetrant liquida vota polos.  
Fata Ducum iussu florent marcentq; Iehovæ,  
In genubus Divum stant rata fata Ducum.  
Ille hominem tellure jubet considere certà,  
Et migrare iubet sedibus ille hominem.  
Iste lares patrios relinqueret præcipit olim  
Isacidas, patrios reppetere iste lares.  
Ipse manu valida fastosi pignora Nili,  
Cunctapotente fretum sustulit ipse manus.  
Ipsius admonitu peregrinis appulit oris  
Verbigena, & redijt ipsius admonitu.  
Semper habet, qui sancta probet sua vascula, & idem  
Qui sua servasit vascula, semper habet.  
Non latitare potest unis homo sedibus unus,  
Fælix qui famâ non latitare potest.

A 2 HVN-

**HVNNA DE** Salve! Te compellabo, (favete,

Albinis quisquis montibus hospes adest.)

Salve. Te saluum magni velit Arbiter orbis,

Et te perpetua commoditate beet;

Quotq; vebit niveos secum Iani orbita floccos,

Tot precor exornet Teq; tuosq; bonis:

Et tua concomitentur aves occpta secunda:

Sic mihi, sic metris astipulere meis.

Scilicet Aonijsex quo nutritus in antris,

Theologi clares maxima fama chori.

Ægidis obsequio dum fundis acutula frustra

Agmina, dum purum fundis in orbe jubar:

Non Te p̄ reliquis clementior excipit Eurus,

Quamvis p̄ reliquis firmū agitantem animum:

Sed varias lustrare plagas, variosq; coēgit,

Fato haud unius frontis, adire sinus.

Novit id Aonium quisquis colit accola Lanum,

Condita Phœbæo sunt ibi saxa gregi.

Hic ubi Achillæa subijsse prælia dextræ,

Prælia magnanimis perpetiunda viris:

Eccere! vaniloquis efferuescentia signis

Dogmata rancidulis nutrijt Albis aquis.

Iamq; redaccenso placitorum insomnia Sole

(Scilicet is superis est labor!) atra vigent:

Te

*Tē vocat, & cupidis VViteberga amplexa lacertis*

*Non sine palmā, amplio non sine honore colit.*

*Continuo obstreperas cura est obtundere linguas,*

*Pensiculare imis impia texta fibris.*

*Et qua melliloquo iaculatur corde venena,*

*Evomit artitis hostica gensq̄ sonis,*

*Eluere, igniculis & defēcare serenis,*

*Ætherea sacer hos ade caminus alit.*

*Dispereunt fraudes atq; impia furtā Typhonis,*

*Non benè Pierio progenerati apice.*

*Non benè conveniunt nec in unā fronte morantur*

*Pieris, & fuco millecolore dolus.*

*Ite Dea, & rabidi plagiari excindite nomen,*

*Nomen ei dignum rebus, Averne, feras.*

*Quin quoq; tuberibus proprijs offensus & alter*

*Nescio quis, graviter, scita patere, dolet.*

*Adde quod Æolidas Romano carcere clausos,*

*Christus ubi tendit, pellis abire freto.*

*Pellis abire. Et Te nostris modo pellit ab oris*

*Princeps Neccarici qui regit arva soli!*

*Quis mihi tam duris exsurdat vocibus aures?*

*Heu loquitur lapides & mera saxa sonat.*

*Heu mera saxa, quibus cerebrum diffinditur: omnem*

*Impetit ille animum; sustulit ille animum.*

*A 3*

*Ergo*

*Ergo ades atra dies, inimico oneranda lapillo,  
Tristis & infamis semper habenda mihi:  
Tristis & infamis mihi semper & omnibus, huius  
Tam cari capit is quos stupefecit amor.  
Hunniaden nostris complexibus ereptura,  
Ereptura una præsidiumq; meum?  
Ite animis contra, Ducis exorate benigni  
Iussa: preci meritum non negat iste locum.  
Ite animis, penes est quos vis & dia potest as,  
Hunniaden teneant vestra Lycae suum.  
Sic ego: sic subitis elapsa è nubibus alis  
Fama triumphantes rettulit orsa modos.  
Quis duris adeò pertentat questibus aur as?  
Quid quereris lapides? quid mera saxa canis?  
Hunniade gratare tuo: gratare Lyceo:  
Gaudeat orasibi Saxonis: ipse tibi.  
Lata dies redijt, niveo signanda lapillo,  
Semper honorato semper habenda loco.  
Hunniaden vestris complexibus ista redonat,  
Ista redonabit præsidiumq; tuum:  
Deliciasq; schola reddet tibi & omnibus, huius  
Tam cari capit is quos stupefecit amor.  
Obviam adite Patrem, tanto exorate Magistro  
Candida fata solo, candida fata polo.*

*Dispe-*

*Dispereat! Puto, disperijt, quicunq; nefando  
Pectoris excoxit fanda nefanda sinu,  
Atq; dies noctesq; Tuos, sanctissime Praeco,  
Exoptantem abitus, spem tulit occiduam.*

**H**ac *Dea*: quid vanis repetam repetita susurris?  
*Albidos, Hunniade, gloria vive, vale.*

*Vive, vale, Vir sancte, Vir o memorande valeto:  
Albidos ad ripas Vir memorande vale.*

*Hunniade gratorq; Tibi, gratorq; Lycao:  
Gaudeat ora sibi Saxonis; ipse mihi.*

*Nicre, quid in videas nobis nostri ora Magistri?  
Albidos, Hunniade, gloria vive, vale.*

---

## II.

*Ad Filios eiusdem,*

*HELFRICVM VLRICVM ET NI-  
COLAVM HVNNIOS:*

*Iuvenes ingeniosissimos,  
Amicos suos mellitissimos.*

**A**T Vobis, animi o medulla nostri,  
Vobis inquam, animi medulla Vestri  
Quo nunc gratuler ore, quo ve metro,  
O ULRIC E polite, amice amice,  
Et spes patris opima NICOLAE.  
Aut quo Iætitiam indicabo plausu,  
Vestrorum HIL VVIGIUS amans amorum,

*Vestræq;*

Vestræq; unicè amans reverſionis,  
Aut profectò quasi-reverſionis.  
Pol Vestræ unicè amans beatitatis;  
Sat forſan mihi gratulationis,  
Sat forſan Tibi gratulationis,  
O par nobile amiculorum, utrumq;  
Si vestrūm egregio decore quondam  
Inſignem, ſtadio laboriosæ  
Decurſo Sophies, parenti utriq;  
Summo, Iuppiter, & verendo utriq;, ,  
Ceu Lunam aureolæ ambient favillæ,  
Videro radijs utrinq; flexis,  
Hic ubi Albis aquâ ruit ſtrepente,  
Affulgere. Themis tibi recinget,  
O U L R I C E, caput benigna ſtruppis,  
Struppis aureolis & invidendis:  
At te Vaticano rigare fonte  
Pectus Theologæ magistra Peithus  
Gavisa æthereas vehet per oras,  
Plus quam Pegaseis, Patris quadrigis,  
N I C O L A E mea & Patris voluptas,  
Tum Vobis, animi medulla nostri,  
Tum Vobis, animi medulla Veftri  
Vestrorum Hilvvigius amans amorum,  
Vestrorum Hilvvigius amans honorum,  
O u l r i c e polite, amice amice,  
Et ſpes Patris opima N I C O L A E,  
Pleno lætitiam indicabo plauſu,  
Plenoq; omnia gratulabor ore.

